

Բ. Առաքելյան

ԳԻՏՈՂՈՒԹՅՈՒՆՆԵՐ ՎԻՇԱՊԱՔԱՂ ՎԱՀԱԳՆԻ ՄԱՍԻՆ

Հին հայկական մատենագրության մեջ «Վիշապաքաղ» անվանված է Վահագնը, Հայերենի բոլոր բառարաններում վիշապաքաղը մեկնաբանված է որպես վիշապ և քաղել բառերից հարաբարդված բառ, բայց այն մ Վահագն աստվածն էլ համարված է վիշապ քաղող, վիշապներին հավաքող, վերացնող, ոչնչացնող-վիշապասպան։ Հայկազյան լեզվի նոր բառգրքում, օրինակ, վիշապաքաղ բառի տակ կարդում ենք՝ «որ քաղ է զկեանս վիշապին կամ հիդրայի՝ օձասպան մակդիր Հերակլի Վահագն կոչեցելոյ, որասի սատակեալ զհիդրայն բազմագլխի»։

Մտ. Մալխասյանցի կազմած հայերեն բացատրական բառարանում կարդում ենք՝ Վիշապաքաղ, ածական։ 1 Վիշապներ քաղող՝ հավաքող, երկրից վերացնող... 2. Վահագն աստծու մակդիրը»։

Մատենագրական և հնագիտական տվյալները թույլ են տալիս ոչ միայն կասկածանքի ենթարկելու այդ բացատրությունը, այլև առաջարկելու բոլորովին նոր մեկնաբանություն։

Վիշապաքաղը հարաբարդված է վիշապ և քաղ բառերից։ Քաղ նշանակում է արու այծ, նոխալ կամ բոշ։¹ Վիշապաքաղ հետևաբար նշանակել է վիշապայայծ։

Հին աշխարհի և մեր հին հայկական առասպելաբանություն մեջ երկու կենդանիների կամ մարդու և որևէ կենդանու խառնուրդից կազմված արարածներ շատ են հանդիպում, նույնիսկ դրանք պատկերացվել են կիսով չափ մարդ, կիսով չափ կենդանի՝ մեծ մասամբ մարդու գլխով, կենդանու մարմնով։ Օրինակ՝ մարդու գլխով և եզան մարմնով քանդակներ հանդիպում են ասորեստանյան, ուրարտական, աքեմենյան արվեստի մեջ։ Հաճախ այդ արարածները նաև թռչունի թևեր ունեն։ Մարդու գլխով և առյուծի մարմնով թևավոր առասպելական արարածներ նույնպես հանդիպում են ուրարտական քանդակագործության մեջ։ Հունական առասպելաբանության մեջ հայտնի են մարդու գլխով և ձիու մարմնով կենտավրոսները, ինչպես և մարդու ու այծի խառնուրդը կալմոդ պանը՝ անտառի աստվածությունը։

Հայկական առասպելներում և մատենագրության մեջ հիշատակվում են վիշապամարդ, այծամարդ, առլեզ առասպելական արարածները, որոնք պատկերացվել են կիսով չափ մարդ և կիսով չափ օձ, այծ, շուն և այլն։ Ապարանում գտնված չորրորդ դարի մի խոյակի վրա քանդակված է պատկեր մարդու մարմնով և շան գլխով։ Պատկերացվել են և առասպելական արարածներ իբրև երկու տարրեր կենդանիների խառնուրդ, օրինակ վիշապառյուծ, եղջերուաքաղ, Վերջինս համարվում էր կես եղջերու, կես այծ սև նույնիսկ բառակազմությամբ էլ բաժնի համան է վիշապաքաղին։

¹ Տես նոր բառգիրք հայկազեան լեզուի, նաև Մալխասյանց, Հայերեն բացատրական բառարան։

Նման պատկերացումները գեոևս 5-րդ դարում այնքան տարածված ու կենսունակ էին, որ Եղնիկ Կողբացին անհրաժեշտ է համարել նրանց դեմ պայքար մղել:

Վիշապաքաղը կիսով չափ վիշապ, կիսով չափ արու այծ պատկերացնելու դեպքում հասկանալի կդառնա թե ինչու Հայկական հին մատենագրության, ինչպես և բանահյուսության մեջ վիշապները պատկերացրել են ոտքերով¹ և եղջյուրներով:² Պահլավերենում վիշապը իր ամի մակդիրով (Azi-visapa) նշանակել է անձնավորված մի օձագե, իսկ Azi-Srvara եռձեռավոր օձ:³

Վերջապես որ վիշապաքաղը վիշապայծ է նշանակում, ապացուցվում է հնագիտական փաստով: Պետական էրմիտաժում պահվում է մի արծաթե անոթ (ոխտոն), որը համարվում է աքեմենյան արվեստի արտադրություն: Այդ անոթը պատկերում է ոչ այլ ինչ, բայց եթե թևավոր վիշապաքաղ (նկ. 1): Պատկերված է վիշապ՝ այծի գլխով, առջևի երկու ոտքերով և թռչունի թևերով:⁴ Ամսլրոպի փոթորկի, և ամպի աստվածությունը այդպես էլ պետք է պատկերացվեր՝ վիշապաշունչ, հրաշունչ, որը թևավոր է, թռչում է օդում, կայծակն ու որոտն է առաջացնում:

Վիշապաքաղը կամ վիշապայծը Վահագն աստծու կերպարն է՝ առաջացած նրա պաշտամունքի ավելի վաղ փուլում, երբ ամպրոպի, փոթորկի և ամպի աստվածությունը մի էր և երևան էր գալիս արու այծի ու թևավոր վիշապի միասնական պատկերով: Հին հայկական առասպելների լավագույն գիտակ Մ. Արեղյանը մատնանշել է հայ ժողովրդի պատկերացված վիշապների ամպրոպային բնույթը, ինչպես և նրանց պաշտամունքի կապված լինելը ջրի, ամպի և հողմի կամ փոթորկի հետ:՝ Սակայն Արեղյանը չի նկատել բնության երևույթների կոմպլեքս պաշտամունքի միասնությունը և չի փորձել բացահայտելու պաշտամունքային տվյալ կոմպլեքսի և նրա հետ կապված ժողովրդական պատկերացումների երկար դարերի ընթացքում կրած փոփոխությունները:⁵

Ինչ խոսք, որ ջրի, ամպի, փոթորկի, ամպրոպի, կայծակի, կրակի և արևի պաշտամունքները շատ ավելի վաղ են առաջացել, քան հայ ժողովուրդը: Նախնադարյան ավելի վաղ շրջանի մտածողությամբ բնության այս երևույթների կապակցությունները, անգամ առասպելական ձևով, չէին գիտակցվում: Պաշտամունքի առարկա էին դառնում առանձին-առանձին երևույթները և նրանց վերաբերյալ պատկերացումներն էլ բարդ կապակցություններ չունեին: Այս շրջանում ջրի կուլտը հանդես էր գալիս պարզ ձևով անմիջապես կապվելով երկրի վրա առկա, տեսանելի և օգտագործելի

¹ Տես Նոր բաղդիբը Հայկադեան լեզուի վիշապոտն բառը:

² Հայկական հերթաթներում էլ կարմրագույն մեծ, ոչ թունավոր օձերը, որոնց ժողովուրդը վիշապ կամ պարսկերեն շահմաթ անուններով է կոչում, պատկերացվում են եղջյուրներով:


³ Ահառյան Հ., Արմատական բառարան, Վիեննա բառը:

⁴ Նման ոխտոն գտնված է նաև Աշխարադից ոչ հեռու՝ հին Նիսայում և պարթևական է համարվում (Масон М. Е., Новые данные по истории Парфии, տես Вестник древней истории, № 3, 1950).

⁵ Արեղյան Մ., «Վիշապներ» կոչված կոթողները, իբրև Դերկետո-Աստղիկ դիցուն հու արձաններ, Երևան, 1941:

⁶ Նույն տեղում:

ջրի, աղբյուրների, գետերի, ծովերի հետ, ինչպէս և անձրևի հետ, չէին նկատուում նրանց միջև եղած կապակցութիւնները, թեկուզ պաշտամունքային պատկերացումների ձևով: Այդ շրջանում ջրի կուլտը կարող էր երևւիւն դալ ջրերում ապրող ամենարնորոշ կենդանու՝ ձկան պատկերով, մանաւանդ մարդը վաղուց հետէ պարապում էր ձկնորսությամբ և կերակրւում նրանով: Բսկ երբ անասնապահական երկրագործական գրադմունքի դարդաց-



Թեաւոր վիշապաբաղ (արծաթե անոթ) Պետական էրմիտաժ

ման շնորհիւ ու նրանց պայմանաւորւածութիւնը խոնավությամբ, արևի ջերմությամբ աստիճանարար գիտակցելու դարաւոր փորձով մարդը սկսում է իր դեռևս շատ ու շատ պակասաւոր ճանաչողությամբ ու պատկերացումներով նկատել ծովերի, գետերի, աղբյուրների ջրերի, ամպերի ամպրոպի ու կայծակի թեկուզ իռացիոնալ կապակցութիւնները, այն ժամանակ նրա պաշտամունքային պատկերացումներն էլ բավականաչափ բարդ կապակցութիւններով են երևան գալիս: Այժմ ջրի, ամպի, հողմի կամ փոթորկի, ամպրոպի պաշտամունքային պատկերացումները միասնական կոմպլեքսի ձևով են դրսևորւում և իրար հետ են կապակցւում երկրի վրա ու մթնոլորտում տեղի ունեցող երևույթները, որոնք կապւած են ջրի տարերքի հետ: Դրան համապատասխան այժմ ձուկը, կամ միայն ձուկը չի կարող ջրի կուլաի հետ կապւած պատկերացումների իրար հետ կապակցւած բազ-

մաթիվ կողմերի արտահայտիչը լինել. երևան են գալիս պաշտամունքային այլ պատկերացումներ, որոնց թվում և վիշապը որպես ջրի, ամպի, փոթորկի սիմվոլիկ մարմնավորողը, վիշապն էլ պետք է երկինք բարձրանա, որտեղ ամպրոպը, որտեղ ու կայծակն են տեղի ունենում, ուստի նա պետք է թևավոր լինի, կամ նրա հետ պետք է կապվեն նրան երկինք բարձրացնող սիմվոլիկ էակները, որոնք իրենց հերթին երևույթների նույն կոմպլեքսի առանձին կողմերը մարմնավորող սիմվոլներ են և կարող են երևան գալ այծի, եղան, թռչունի և այլ կերպարներով՝ առանձին կամ վիշապի հետ միասնաբար: Վիշապաքաղի կերպարի մեջ մենք տեսնում ենք հենց նման միասնություն առկայությունը: Նման միասնացած կուլտը կարող է երևան գալ նաև ֆրատրիալ տոտեմական կուլտերի սինկրետիզմի հետեանքով, երբ հասարակությունը մայրական տոհմական համայնքից անցել էր հայրական տոհմական համայնքի: Ինություն երևույթների ու տարերքի իռացիոնալ պատկերացումները մարմնավորող առասպելական էակների պաշտամունքը, իր նախնական աստիճանում առաջացած տոտեմիզմից, այժմ բարդանում, դարգանում է և կապվում է երկնքի հետ՝ ստանալով աստեղային կոսմոկական բնույթ:

Ավելի ուշ, երբ առաջանում են բուն իմաստով աստվածությունները, մարդը նրանց վերապրում է մյուս կենդանիների համեմատությամբ ամենազոր և ամենահաղթ դարձած բանական էակի՝ այսինքն մարդու հերպարը: Առաջ են գալիս անտրոպոմորֆիստական աստվածությունները. սակայն միանգամից մի կողմ չեն նետվում այն գոմորֆները, որոնք մինչև այդ արտահայտում էին այժմ բնդարձակ և բազմազան ֆունկցիաներ մարմնացնող տվյալ աստվածության վերաբերող պաշտամունքը, կամ նրա տարրեր կողմերը: Դրանով պետք է բացատրել, որ հնդկական ամպրոպային աստված Ինդրան պատկերացվում է իբրև հրեղեն խարտյաչ պատանի, որը սակայն կարող է երևան գալ նաև ցուլի կերպարանքով, պարուկական Վերեթրապան, որը համարվել է վեդեգիկ փայլուն պատանի, իբրև թե կարող էր հանդես գալ նաև տղամարդու, ցուլի, ձիու, ուղտի, թռչունի, վարազի, թանձր մարմին ներկայացնող քամու կերպարանքով: Նույնը կարելի է ասել հայերի ամպրոպի աստծու՝ Վահագնի մասին, որը պատկերացվում էր խարտյաչ պատանեկիկի տեսքով, ծնված ծիրանի ծովի կարմրիկ եղևնի փղից. «նա հուր հեր ուներ, բոց ուներ մորուս և աչկունքն էին արեգակունք»¹: Նա պատկերացվում էր նաև վիշապաքաղի, կամ միայն քաղի, վիշապի, եղան կամ ցուլի, ձիու, ուղտի, նաև հողմի, քամու կերպարանքով, սերտորեն կապված լինելով ոչ միայն ամպրոպի, կայծակի, կրակի, արևի, այլև ամպի և ջրի կուլտի հետ:

Այսպիսով, Վահագնի հետ կապված առասպելները երկար ուղի են անցել և մի ընդարձակ ցիկլ են կազմել, որը աստիճանաբար հարաբարդվել է:

Արեգյանը այդ առասպելների միայն վերջին փուլն է քննություն առարկա դարձրել, այն էլ նկատելիորեն ստատիկ վիճակում, ուստի և չի բացահայտել այդ առասպելների տեղական բովանդակությունն ու կոլորիտը և հին արևելյան առասպելների հետ նրանց կապերը բացատրելու փոխարեն Վահագնին իր առասպելով փոխառված է համարում Իրանից:

¹ Խորենացի, Դիւք առաջին, գլուխ ԷԱ.:

Ստատիկ վիճակում հարցերը քննարկելու նույն մոտեցման հետեանք է և այն, որ Աբեղյանը որոշ էպոխայում չար համարված աստվածութիւնները մշտապես չար է դիտում, իսկ բարի համարվածները՝ մշտապես բարի։ Մինչդեռ չար և բարի ատրիբուտները կարող էին վերադրվել ոչ միայն տարրեր, այլև միեւնույն աստվածութիւններին միասնաբար, կարող էր տեղի ունենալ նրանց ճեղքում և իրարից հեռանալը հակադիր ուղղութիւնով, թե՛ մեկը և թե՛ մյուսը դարերի ընթացքում իրենց հակադրութեանը կարող էին վերածվել։ Էյ չենք ասում, որ տարրեր, ցեղերի, տարրերի ժողովուրդների մոտ «բարին» չար կարող էր պատկերացվել՝ իսկ «չարը» բարի։

Վահագն աստվածն ավելի չար է եղել, քան բարի, և նրան մեղմելու այսինքն նրա հետ կապվող բնական արհամիրքները զուպելու, ինչպես և նրա սղորմածութեամբ (Յերմութիւն, անձրեւ) ստանալու համար այդ ցասկոտ աստծուն մեծամեծ դոհարերութիւններ էին կատարում։ Ի դեպ ասած՝ Աշտիշատ անվան յաշտից տեղի ստուգարանութիւնը, այսինքն մի տեղ, որտեղ շատ դոհարերութիւններ են կատարվել, պետք է կապված լիներ Վահագնի պաշտամունքի հետ, քանի որ Աշտիշատում գտնվում էր նրա մեհյանը։

Հետզհետե Վահագնը նոր փունկցիաներ է ձեռք բերում և դառնում է հայերի ամենահարդի աստվածութիւններից մեկը։ Ամպրոպի, որոտի աստվածը կապվում է ջրի, խոնավութեան աստվածութիւն ներկայացնող Աստղիկի հետ։ Շուտով նա դառնում է նաև հայերի ռազմի աստվածը։¹ Որպես այդպիսին արծաթե վիշապի կերպարանքով նա մարտի է տանում իր վրա նստած Տիգրան Երվանդյանին, որը հաղթում է իր հակառակորդ Աթ-հահակին։² Նա քաջութիւն է շնորհում հայ ռազմիկներին՝ «Բաջութիւն հասցե ձեզ ի քաջէն Վահագնէ» մաղթում է Տրդատ III-ըն իր մարդկանց։³

Ամենից տոալել Վահագնը հանդես է եկել վիշապաքաղի կերպարանքով, սակայն, ինչպես պարզվում է, պարսիկները հայերի ռազմի աստծուն պատկերում էին նաև թաղի, ցամաքային կերպարանքով։ Այդ երևում է Փավրոտոս Բուզանդի նկարագրած մի միջադեպից։ Երբ Արշակ 2-րդ արքան սպարապետ Վասակ Մամիկանյանի հետ միասին Տիգրոն՝ Պարսից արքունիքն էր գնացել, մի օր նա զուրս էր եկել շրջելու Շապուհի ախոռները, այդ ժամանակ Պարսից արքայի ախոռապետը հայոց արքային՝ ինչպես ասում է Բուզանդը, լվի տեղ էլ չդրեց և ոչ մի պատիվ չտվեց և նույնիսկ անարգելով ու ծաղրելով ասաց. «Այժից հայոց արքայ, եկ նիստ ի խրջան խոտո ի վերա»։ Վասակը շտանելով իր արքային հասցված անարգանքը սպանում է հանդուգն ախոռապետին։⁴

Բերված հատվածի մեջ միանգամայն անսպասելի և անհասկանալի է Արշակին «այժից հայոց արքա» անվանելը։ Բայց հարցը միանգամայն պարզ կլինի, եթե նկատի ունենանք, որ պարսից ախոռապետը ծաղրում է հայերի և նրանց արքայի ռազմի այժակերպ աստծուն — Վահագնին։

¹ Համեմատիւր ուրարտական Թեյշեբայի հետ, որը նույնպես որոտի և ռազմի աստված էր։

² Խորենացի, Գիրք 1-ին, գլ. 19։

³ Ագաթանգեղոս պարբ. 127։

⁴ Փավստոսի Բուզանդացու պատմութիւն հայոց, Վենետիկ, 1839 թ., էջ 128—129։

Վիշապաքաղ Վահագնին արված նոր մեկնաբանությունը հասկանալի է և զառնում հայկական հին մատենագրություն մեջ հանդիպող նաև այլ հատմածներ ու առասպելներ, օրինակ, հարգապողի ճանապարհը՝ բեղեցիկ պատանու հարդ պողանալն անհասկանալի է, բայց դա հասկանալի է, երբ զոդացողը վիշապաքաղն է, քաղը, կամ ցուլը, որպիսի կերպավորումներով պատկերացվել է Վահագնը։ Իսկ երբ Վահագնը գիտվում է հիմնականում որպես ցասկոտ հար աստված, կապված ջրի կուլտի հետ, ապա հասկանալի է զառնում թե ինչու նա արտերի ու կալերի բերքն է խլում, ինչու վիշապների, գրաստների, եզների հետ է կապվում, կամ ինքը զրանց կերպարանափոխվում։

Վիշապաքաղ Վահագնին տրված նոր մեկնաբանությունը ուղի է բաց անում իրարից անջատ թվացող հին հայկական առասպելների՝ պատկերացումների մի ամբողջ կոմպլեքսի կապակցությունները, վարպետում ու փոխակերպությունները գիտելու և լուսաբանելու համար։ Այն նպաստելու է նաև արևելքում հանդիպող նման կուլտերի ու նրանց արտահայտություններ հանդիսացող նյութական կուլտուրայի իրերի ճիշտ վերծանմանը։

Б. Аракелян

Замечания о Вахагне-вишапакаге

(Р е з ю м е)

Термин Visapakat (*վիշապաքաղ*) в древнеармянской литературе прилагается к имени древнеармянского бога грома, молнии и бога войны Вахагна, как определительное слово.

В арменоведении до сих пор принято считать, что этот термин складывается из армянских слов Visap+katel (*վիշապ+քաղել*), где первое слово означает „змея“, второе „убрать“. Соответственно с этим термин Visapakat был интерпретирован как „убирающий змею“ или „уничтожающий змею“, а Вахагн—как „уничтожающий вишапа или вишапов—змеебийца“.

В настоящей статье дается новое толкование этому термину.

Visapakat сложена из армянских слов Visap+kat (*վիշապ+քաղ*)= „змея+козел“. Огромный змей с козлиной головой и передними ногами козла, крылатое существо является мифическим образом одного из главных древнеармянских божеств—бога грома и молнии, огня, облака (влаги, воды), вихря и смерча, позднее бога войны—Вахагна.

Новое толкование этого термина подтверждается данными древнеармянского языка и мифологии (тесно связанной с древневосточной мифологией), а также археологическими данными. В последнем случае мы имеем в виду образ крылатого вишапа с козлиной головой в ахеменидском серебряном ритоне, хранящемся в государственном Эрмитаже и на подобных же парфянских ритонах, найденных при раскопках в Старой Нисе.¹

¹ М. Е. Массон, Новые данные по истории Парфии, Вестник древнейшей истории, № 3, 1950.

В статье по мере возможности дается анализ синкретического образа бога Вахагна, путей возникновения этого божества из тотемных представлений, фратриальных культов и первичных несложных культов природных стихий (вода, гром и молния, огонь, облако, небесная влага, ветер, смерч).

Новое толкование термина Višarakat поможет правильному пониманию ряда отрывков из древнеармянских источников, целого комплекса древнеармянских мифов, связанных с древневосточными мифами. Оно могло бы явиться подспорьем и для раскрытия мифологического смысла целого ряда предметов древневосточной археологии.